

## أول وآخر ميعاد !..

أول ميعاد بينا هنا

دا يوم ميلاد عمري انا

راح اقله أيه وأوصف له إيه

حاسة إني تايهة مش عارفة ليه

جاية وجاية معايا وردة

علشان تكون للقايا شاهده

واقول ها ييجي ولا ها ينسى

يقوللي قلبي إستني لسة

فضلت صابره وفي قلبي نار

## حببتك في صمت





## حببتك في صمت

والشوق قتلني م الإنتظار لممت لهفتي  
وحضنت وردتي وقلت امشي  
وقبل ما امشي .. رفعت رمشي  
لقيته قبالي مادد إيديه .. ونظرات عينيه  
بتقول تعالي جريرت عليه .. ومن شوقي ليه  
حضنت روحه قبل إيديه  
نامت إيديا ما بين إيديه  
سرحت عينيا في كلام عينيه  
كان السكات بينا كلام



## حببتك في صمت



لكن سكات .. ياريتته دام  
ومرة واحدة .. قطع السكات  
بكلمة واحدة .. قالت آهات  
قالي مسافر .. يا عمري هسافر  
خلالي عقلي .. في الكلمة سافر  
قلت ياريتك ماقولتهاش  
وانا ياريتني ما سمعتهاش  
ذبلت ساعتها وردتي  
ماتت في قلبي فرحتي

